



Broj: 04-40-1-43/26
Sarajevo, 13.02.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 12.02.2026. do 08:30 sati 13.02.2026. godine

U izvještajnom periodu Kantonalni operativni centar civilne zaštite zaprimio je jednu informaciju o pronalasku NUS-a i to dana, 12.02.2026. godine u 13:35 sati od Općinske službe civilne zaštite Hadžići, Općina Hadžići, da je u naselju Lokve, pronađena jedna ručna bomba.

O primljenoj informaciji obaviješteni su pripadnici Tima za UES Federalne uprave civilne zaštite, koji su navedena neeksplozirana ubojna sredstva uklonili isti dan

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su sedam intervencija. Tri intervencije se odnose na obezbjeđivanje tankovanja goriva na Međunarodnom aerodromu „Sarajevo“, jedna na obezbjeđivanje javnog događaja, jedna na gašenje zapaljenog niskog rastinja, jedna na pojavu dima u poslovnom subjektu (knjižara) i jedna tehnička intervencija u vidu asistencije MUP-u Kantona Sarajevo prilikom vršenja uviđaja nakon saobraćajne nesreće.

Općinski operativni centar civilne zaštite Stari Grad: U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, na osnovu zadataka zaštite i spašavanja, dana 12.02.2026.godine, izvršili su obilazak i osmatranje terena na lokalitetima Curine njive, Knjeginjac i Bistrički potok. Cilj obilaska bila je procjena trenutnog stanja terena te identifikacija potencijalnih rizika.

Izvršen je vizualni pregled lokaliteta Curine njive, te je utvrđeno da je došlo do smanjenja količine vode iz pravca deponije, da je tlo u odnosu na prethodne dane manje zasićeno vlagom. Na terenu je primjetno naginjanje pojedinih stabala, dok nove pukotine na površini tla nisu evidentirane. Na dijelu ispod igrališta i dalje je izražena erozija tla, uz primjetno nakupljanje zemljanog materijala iznad prvih stambenih objekata. Također je uočeno blago proširenje postojećih pukotina na pojedinim mjestima, što zahtjeva kontinuirano praćenje stanja. Dobrovoljno vatrogasno društvo Vratnik je i dalje u pripravnosti

Na lokalitetu Knjeginjac nije zabilježeno novo odlaganje građevinskog materijala. Izvršenim obilaskom i vizualnim pregledom lokaliteta deponije uočeno je nešto manje prisustvo vlage u tlu u odnosu na prethodni period. I dalje je prisutna blaga erozija na gornjem dijelu deponije, dok su u donjem dijelu evidentirane blatnjave i plavne površine uslijed zadržavanja vode.

Na lokalitetu Bistričkog potoka, izvršenim obilaskom i vizualnim pregledom utvrđeno je da nema zastoja u protoku vode, te da je vodotok prohodan i stabilan. Na gornjem dijelu potoka, koji je dio općine Istočni Stari Grad, i dalje je prisutno više oborenih stabala, kao i urušeni kameni materijal u koritu vodotoka, što može predstavljati potencijalnu opasnost u slučaju povećanog vodostaja.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave iznosila je 6°C, vlažnost zraka 97%, barometarski pritisak 917,9 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a